





KIRI (bentuk badan normal) dan kanan (memakai korset).

"Korset kecantikan boleh dipakai dalam tempoh singkat. Contoh, mahu tampil menarik dan bergaya apabila mengenakan kebaya.

"Namun, apa yang membimbangkan ialah ada wanita terlalu obses untuk memiliki pinggang ramping, mendorongnya memakai korset kecantikan dalam tempoh panjang.

"Ada dua kesan jangka panjang yang

paling ketara dialami wanita apabila memakai korset kecantikan iaitu mengakibatkan otot belakang badan dan otot abdomen menjadi lemah serta mengecilkan kapasiti paru-paru," katanya.

Dr Mohd Faisal berkata, otot belakang badan dan otot abdomen menjadi lemah apabila korset 'mengambil alih' fungsi otot.

"Ini berlaku kerana otot belakang badan yang

pada asalnya kuat dan tidak mempunyai sebarang masalah.

"Tetapi, apabila memakai korset bagi masa lama, ia boleh menyebabkan otot berkenaan menjadi kecil dan tidak kuat yang akhirnya menyukarkan untuk mengangkat kaki.

"Sebab itu, apabila membuka korset menyebabkan pemakainya berasa sakit di bahagian belakang badan dan otot

kerana tidak dapat menyokong kerangka tubuh," katanya.

Beliau berkata, selain itu, korset juga mampu mengecilkan kapasiti paru-paru kira-kira 30 hingga 60 peratus.

"Ini menyebabkan sistem pernafasan sedikit terganggu kerana bahagian dalam diafragma mengalami kesukaran untuk mengembang lalu menyukarkan okisigen masuk dalam tubuh.

"Ini juga mengakibatkan individu mudah pitam apabila melakukan kerja berlebihan kerana tidak cukup udara dan stamina," katanya.

Kajian terbitan 'Journal of Strength and Conditioning Research' mendapati, individu yang memakai tali pinggang ketika mengangkat berat mengalami peningkatan tekanan darah.

Ini mendorong penghasil korset terkenal, Korsetri Lucy untuk melakukan perbandingan melalui memakai korset dan mendapati pemakaian (korset) meningkatkan 10 peratus tekanan darah.

Jelasnya, pemakaian



korset yang ketat boleh memberi tekanan kepada organ dalaman terutama perut yang akhirnya menjadikan sistem pencernaan.

Bahkan katanya, tulang rusuk juga boleh menjadi 'cacat' dipanggil klorosis (tidak normal).

Selain itu, beliau berkata, tiada bukti klinikal menunjukkan pemakaian korset boleh menyebabkan gangguan penyakit pencernaan kronik (GERD).

"Bagaimanapun, tidak mustahil mereka yang menghidap GERD menjadi lebih teruk apabila memakai korset," katanya.

Dr Mohd Faisal berkata, manakala korset kesihatan

mempunyai kebaikan terutama kepada individu yang mahu mengangkat objek erat dan mempunyai masalah sakit belakang.

"Reka bentuk korset ini (kesihatan) khas bagi mengurangkan pergeseran sendi belakang badan yang sakit.

"Kebiasaannya, korset kesihatan dipakai dalam tempoh 10 hingga 12 jam sehari dan membukanya apabila hendak tidur.

"Pesakit memakai korset kesihatan apabila mahu melakukan aktiviti harian dan penggunaannya amat berkesan mengurangkan kesakitan di bahagian belakang badan," katanya.

Dalam pada itu, katanya, bentuk badan yang menarik boleh dimiliki sekiranya mengamalkan pola pemakanan sihat disusuli aktiviti fizikal berterusan.

"Saya menggalakkan wanita memilih cara ini kerana ia tidak memberi kesan buruk terhadap kesihatan, malah menyihatkan tubuh," katanya.